

# ACCEDENDO AO MERCADO LABORAL

## Un estudo por titulacións

1996-2003




**ACSUC**  
AXENCIA para a CALIDADE do  
SISTEMA UNIVERSITARIO de  
GALICIA

 Inicio

 Índice

Cerrar 



# ACCEDENDO AO MERCADO LABORAL

## Un estudo por titulacións

1996-2003



**ACSUC**  
AXENCIA para a CALIDADE do  
SISTEMA UNIVERSITARIO de  
GALICIA

 Inicio

  
Índice

Cerrar 

**Edita:**

Axencia para a Calidade do  
Sistema Universitario de Galicia (ACSUG)

Rúa Lamas de Abade, s/n  
CIFP Compostela 5ª planta  
15702 Santiago de Compostela

Teléfono: 981 534173 – Fax: 981 534174  
E-mail: [acsug@acsug.es](mailto:acsug@acsug.es)  
Páxina Web: [www.acsug.es](http://www.acsug.es)

**ISBN:** 978-84-691-5041-2

**D. LEGAL:** C 2812-2008

**Deseño e Maquetación:**

Grafisant, S.L




A ACSUG dispón dun Sistema de Xestión de Calidade certificado segundo a Norma ISO-9001:2000 desde o 20/03/2006 e número de certificación EC-2346/06, co seguinte alcance:

- Apoio á certificación de unidades administrativas do Sistema Universitario de Galicia.
- Tramitación de complementos retributivos autonómicos e avaliación e informe de profesorado.
- Avaliación de titulacións, programas e servizos do Sistema Universitario de Galicia.

# Índice

<b>Presentación</b> .....	<b>7</b>
<b>Introdución</b> .....	<b>11</b>
<b>Obxectivo e alcance do estudo</b> .....	<b>13</b>
<b>Estudos previos: PIL 1996-2001 e PIL 2001-2003</b> .....	<b>14</b>
<b>Descrición dos resultados por titulacións</b> .....	<b>16</b>
Buscando emprego .....	17
Factores para conseguir un emprego.....	17
Sobre a situación laboral actual.....	18
Competencias, coñecementos e actitudes.....	19
<b>Resultados por titulacións</b> .....	<b>21</b>
Licenciatura en Matemáticas .....	23
Licenciatura en Bioloxía .....	33
Licenciatura en Tradución e Interpretación.....	43
Licenciatura en Psicoloxía .....	53
Diplomatura en Enfermaría.....	63
Licenciatura en Dereito .....	73
Licenciatura en Filoloxía .....	83
Enxeñaría Técnica en Informática .....	93
Mestre .....	103
<b>Anexo</b> .....	<b>113</b>
<b>Bibliografía</b> .....	<b>115</b>
<b>Grupo de traballo</b> .....	<b>116</b>



## Presentación


A Axencia para a Calidade do Sistema universitario de Galicia (ACSUG) presenta a publicación *Accedendo ao mercado laboral: un estudo por titulacións 1996-2003*, resultado directo dos dous estudos anteriores sobre inserción laboral, os correspondentes aos períodos 1996-2001 e 2001-2003.

Resulta hoxe imprescindible o coñecemento do que acontece cos titulados do SUG, fonte de enriquecemento e razón de ser das nosas universidades, xa que a información que nos proporciona contribúe á mellora da calidade de formación das novas xeracións de titulados.

Por primeira vez, a análise dos datos de inserción laboral mostra resultados correspondentes a nove titulacións, fronte aos estudos anteriores, nos que a desagregación dos datos globais quedaba reducida ás grandes áreas de coñecemento. Esperamos que o coñecemento destes datos contribuirá de maneira salientable á adaptación das nosas titulacións ao deseño dos novos títulos universitarios.

Quero, por último, agradecer a inestimable aportación de todas cantas persoas contribuíron a facer posible o estudo e a publicación.

Guillermo Rojo Sánchez  
*Presidente do Consello de  
Dirección da ACSUG*



## Presentación

A Axencia para a Calidade do Sistema Universitario de Galicia (ACSUG) ten unha actividade de servizo á sociedade, e como obxectivos, a avaliación do Sistema Universitario de Galicia (SUG), a análise dos seus resultados, e a proposta de medidas de mellora da calidade dos servizos que prestan as universidades públicas galegas, especialmente os de ensino, investigación, xestión, servizos e avaliación do profesorado.

Desde o nacemento da ACSUG sempre se amosou unha certa inquedanza polo futuro dos nosos titulados universitarios, preocupándonos de que a súa formación fose de calidade e estivese de acordo coas necesidades actuais do mercado laboral.

Este informe é un complemento dos estudos de inserción laboral: Inserción Laboral dos Titulados polo Sistema Universitario de Galicia 1996-2001 e Estudo da Inserción Laboral dos Titulados no Sistema Universitario de Galicia 2001-2003, os cales só presentaban como máximo nivel de desagregación as grandes áreas de coñecemento.

Pretende ademais servir de punto de apoio ás universidades do Sistema Universitario de Galicia (SUG), no seu labor de deseño dos novos títulos para a súa adaptación ao modelo que establece o Espazo Europeo de Educación Superior (EEES). O coñecemento da situación laboral dos nosos titulados achega unha importante información que contribúe a este labor, xa que nos permite obter os niveis de adecuación entre as competencias aportadas polos títulos e as desenvolvidas no emprego, os desaxustes existentes entre

as competencias adquiridas durante os estudos e as necesarias para desenvolver a súa actividade laboral. Información necesaria para un maior aproveitamento dos recursos dispoñibles nas universidades e adaptación da formación recibida nos distintos títulos ofrecidos adecuándose aos requirimentos do mercado laboral.

Aproveitamos a ocasión para agradecer a valiosa colaboración dos titulados que contestaron as enquisas, sen os cales este estudo non se podería levar a cabo. A súa participación contribúe a mellorar a formación dos nosos futuros universitarios, e a gañar en calidade do sistema universitario, obtendo unhas titulacións máis preparadas de cara á saída laboral dos seus titulados. Así mesmo, agradecemos a colaboración da Consellería de Traballo da Xunta de Galicia, que contribuiu ao desenvolvemento do traballo de campo no Estudo da Inserción Laboral dos Titulados no Sistema Universitario de Galicia 2001-2003.

Julio Ernesto Abalde Alonso  
*Director da ACSUG*



## Introducción

Logo dun longo período en que non se botaba de menos o coñecemento sobre o grao de eficacia do Sistema Universitario de Galicia (SUG), as iniciativas que con este fin veu poñendo en marcha a Axencia para a Calidade do Sistema Universitario de Galicia (ACSUG) contribuíron a incorporar ao propio sistema as funcións de control da súa utilidade, conseguindo que a súa inexistencia se vexa agora como algo inconcibible.

Froito destas funcións son os proxectos xa implantados sistematicamente de Inserción Laboral (PIL) do Sistema Universitario de Galicia para os períodos 1996-2001 e 2001-2003. Estes estudos foron obxecto diferenciado de ambos os documentos (PIL 1996-2001 e PIL 2001-2003) publicados pola ACSUG cun detalle ao nivel de área de coñecemento.

Con todo, estes estudos non se deseñaron pensando unicamente nos seus propios obxectivos específicos, senón que foron concibidos co obxectivo adicional de ir construíndo un detallado sistema de información sobre a inserción laboral no SUG, que poida ir enriquecéndose ao longo dos anos e sirva de axuda a todos aqueles que actúan sobre este sistema ou reciben os servizos do mesmo.

As actuacións que está realizando a ACSUG a nivel de titulación co obxectivo de adaptar o SUG ao espazo europeo de educación superior constitúen unha circunstancia especial en que os resultados obtidos dos PIL poden ser de gran utilidade. Para completar a visión das titulacións e permitir unha mellor análise da súa situación actual, o presente documento integra e compara os resultados específicos das titulacións obtidos nos estudos de inserción laboral para os períodos 1996-2001 e 2001-2003. Como consecuencia, son válidas para o presente documento as consideracións sobre o contorno socioeconómico e institucional que figuran na introdución dos documentos mencionados.

Estes resultados non foran publicados ata agora con este nivel de detalle, senón integrados nos resultados das correspondentes áreas de coñecemento, mais poden obterse neste momento grazas á flexibilidade do sistema de información construído como produto dos estudos de inserción laboral.

















































































































































































































